

VENDIM
Nr. 493, datë 26.6.2026

PËR DISA SHTESA DHE NDRYSHIME NË VENDIMIN NR. 666, DATË 10.10.2019, TË KËSHILLIT TË MINISTRAVE, “PËR KUOTAT FINANCIARE TË USHQIMIT NË MENSA E KONVIKTE DHE PËRCAKTIMIN E KRITEREVE PËR PËRFITIMIN E BURSIVE E TË PAGESAVE PËR NXËNËSIT E ARSIMIT PARAUNIVERSITAR, SI DHE FORMAT E TJERA TË PËRKUJDESJES NDAJ KATEGORIVE TË VEÇANTA NË INSTITUCIONET ARSIMORE PARAUNIVERSITARE PUBLIKE”, TË NDRYSHUAR

Në mbështetje të nenit 100 të Kushtetutës; të nenit 19, të ligjit nr. 69/2012, “Për sistemin arsimor parauniversitar në Republikën e Shqipërisë”, të ndryshuar; të pikës 2, të nenit 32, të ligjit nr. 15/2017, “Për arsimin dhe formimin profesional në Republikën e Shqipërisë”; të nenit 5, të ligjit nr. 10289, datë 17.6.2010, “Për mënyrën e trajtimit ekonomik e financiar dhe për dhënie ndihme të menjëhershme familjeve të punonjësve të Policisë së Shtetit, të Gardës së Republikës, të Shërbimit të Kontrollit të Brendshëm, të Policisë së Mbrojtjes nga Zjarri dhe të Shpëtimit, të Forcave të Armatosura, të Shërbimit Informativ Shtetëror dhe të Policisë së Burgjeve, që humbin jetën në krye apo për shkak të detyrës”; të nenit 2, të ligjit nr. 7889, datë 14.12.1994, “Për statusin e invalidëve të punës”, të ndryshuar; të nenit 6, të ligjit nr. 8153, datë 31.10.1996, “Për statusin e jetimit”, të ndryshuar të nenit 8, të ligjit nr. 8098, datë 28.3.1996, “Për statusin e të verbrit”, të ndryshuar; të nenit 8, të ligjit nr. 8626, datë 22.6.2000, “Statusi i invalidit paraplegjik dhe tetraplegjik”, të ndryshuar; të nenit 12, të ligjit nr. 57/2019, “Për asistencën sociale në Republikën e Shqipërisë”, të ndryshuar, dhe të ligjit nr. 87/2025, “Për buxhetin e vitit 2026”, me propozimin e ministrit të Arsimit dhe të ministrit të Ekonomisë dhe Inovacionit, Këshilli i Ministrave

VENDOSI:

1. Në vendimin nr. 666, datë 10.10.2019, të Këshillit të Ministrave, “Për kuotat financiare të ushqimit në mensa e konvikte dhe përcaktimin e kriterëve për përfitimin e bursave e të pagesave për nxënësit e arsimit parauniversitar, si dhe format e tjera të përkujdesjes ndaj kategorive të veçanta në institucionet arsimore parauniversitare publike”, të ndryshuar, bëhen shtesat dhe ndryshimet e mëposhtme:

a) Në fund të shkronjës “a”, të pikës 2.1, shtohet fjalia “Për nxënësit në arsimin profesional nuk zbatohet kushti i akomodimit në konvikte publike ...”;

b) Në pikën 3, pas fjalëve “... kategorive të mësipërme ...” shtohen fjalët “... në arsimin e përgjithshëm ...”;

c) Pas pikës 3 shtohet pika 3/1, me këtë përmbajtje:

“3/1. Për nxënësit në arsimin profesional zbatohen shkronjat “a” dhe “b”, të pikës 3. Humbja e bursës për rezultate shkollore zbatohet vetëm në rast përsëritjeje të vitit shkollor.”;

ç) Në pikën 7, fjalët “... (në vitin e parë) ...” hiqen;

d) Pas pikës 8 shtohet pika 8/1, me këtë përmbajtje:

“8/1. Në rastet kur numri i nxënësve që ndjekin arsimin e përgjithshëm, që plotësojnë kriteret për përfitimin e bursës, është më i lartë se mundësitë e financimit të miratuara për atë vit shkollor dhe njësia e vetëqeverisjes vendore nuk mund të mbulojë me fondet e veta mbështetjen për të gjithë nxënësit që plotësojnë kriteret, njësia e vetëqeverisjes vendore, me vendim të këshillit bashkiak, përcakton rregullat për shpërndarjen e bursave dhe gjysmëbursave, sipas kategorive të përcaktuara në pikën 2, të këtij vendimi.”;

dh) Në fund të pikës 10 shtohet fjalia, me këtë përmbajtje:

“... Bursë përfitojnë edhe nxënësit në klasën XI e lart, që nuk kanë përfitur bursë në vitin e parë dhe përmbushin kriteret, sipas këtij vendimi.”;

e) Pika 10.1 ndryshohet, si më poshtë vijon:

“10.1. Bursat e nxënësve për klasën XI e lart, në arsimin profesional, rishqyrtohen dhe miratohen çdo vit nga këshilli bashkiak, sipas vendndodhjes territoriale dhe administrative të shkollave profesionale apo konvikteve ku ata ndjekin arsimin. Rishqyrtimi përfshin edhe nxënësit që përfitojnë për herë të parë bursë në klasën XI e lart, në rastet kur plotësojnë kriteret e përcaktuara në këtë vendim.”;

ë) Pika 12 ndryshohet, si më poshtë vijon:

“12. Të gjithë nxënësit/prindërit paraqesin kërkesat për përfitimin e bursës pranë drejtorive të institucioneve arsimore, të cilat dokumentojnë me procesverbal pranimin e tyre, dhe një kopje e procesverbalit i jepet kërkuarit. Drejtoritë e institucioneve arsimore, për nxënësit që regjistrohen për herë të parë në klasën X, të cilët përfitojnë bursë sipas kriterëve të përcaktuara në pikat 2.1, 2.2, 2.3 e 2.4, të këtij vendimi, i dërgojnë zyrtarisht kërkesat për miratimin e bursës në njësitë e vetëqeverisjes vendore të vendbanimit të përhershëm të nxënësit. Për nxënësit e klasave të tjera, që kanë përfitur më parë bursa, depozitojnë dokumentacionin për vijimin e përmbushjes së kriterëve.”;

f) Pika 14/1 shfuqizohet;

g) Pas pikës 15 shtohet pika 15/1, me këtë përmbajtje:

“15/1. Njësitë e vetëqeverisjes vendore dorëzojnë kërkesat për fondet e bursave brenda muajit mars.”;

gj) Pas pikës 22 shtohet pika 22/1, me këtë përmbajtje:

“22/1. Njësitë e vetëqeverisjes vendore, me fondet e tyre buxhetore apo transfertës nga buxheti i shtetit, për institucionet arsimore parauniversitare publike në territorin që mbulojnë, kanë të drejtë të ofrojnë shërbimin e ushqimit për nxënësit, në përputhje me standardet dhe rregullat e miratuara nga autoritetet përgjegjëse për ushqimin.”;

h) Pika 23 ndryshohet, si më poshtë vijon:

“23. Fondet buxhetore për mbulimin e shpenzimeve të bursave administrohen nga njësitë e vetëqeverisjes vendore, sipas vendndodhjes territoriale dhe administrative të shkollave dhe konvikteve, ku nxënësit ndjekin mësimet. Pagesa mujore e bursës bëhet sipas përcaktimeve të mëposhtme:

a) Nxënësit përfitojnë kuotat financiare (bursa), sipas normave në natyrë për ushqimin e nxënësve në konvikte dhe shpenzimeve vetjake, sipas pasqyrës nr. 3. Masa e bursës përlllogarit si prodhim i kuotës ushqimore me ditë qëndrimin në konvikt, për jo më shumë se 10 (dhjetë) muaj kalendarikë, në proporcion me ditë qëndrimin në konvikt;

b) Nxënësit që nuk jetojnë në konvikt dhe që plotësojnë kriteret për bursë përfitojnë vlerën e plotë të bursës mujore, e cila u paguhet pranë bankave të nivelit të dytë, në llogarinë bankare të prindit/prindërve ose përfaqësuesit ligjor, për llogari të nxënësit çdo muaj, brenda datës 10 (dhjetë) të muajit pasardhës. Masa e bursës për këtë kategori jepet në pasqyrat nr. 2, për arsimin e përgjithshëm, dhe nr. 2/1, për arsimin profesional, që i bashkëlidhen këtij vendimi dhe janë pjesë përbërëse të tij.”;

i) Pas pikës 23 shtohet pika 23/1, me këtë përmbajtje:

“23/1. Në rastet kur fondet e disponueshme të njësisë së vetëqeverisjes vendore nuk janë të mjaftueshme për të mbuluar të gjitha kërkesat e pranuar, njësia e vetëqeverisjes vendore miraton gjysmë bursë, me vlerë 50% të kuotës së plotë mujore, duke respektuar rendin e përparësisë së kriterëve të përcaktuara në këtë vendim dhe rregullat e miratuara nga Këshilli i NjVV-së.”;

j) Pas pikës 30 shtohet pika 30/1, me këtë përmbajtje:

“30/1. Duke filluar nga viti 2027, kuota mujore e bursës për të gjithë përfituesit, sipas pikave 2.1, 2.2, 2.3 dhe 2.4, të këtij vendimi, indeksohet çdo vit nga njësitë e vetëqeverisjes vendore,

në bazë të normës vjetore të inflacionit të publikuar nga INSTAT-i për vitin paraardhës. Ministritë përgjegjëse për arsimin parauniversitar dhe atë profesional përlllogaritnin fondin e nevojshëm të bursave, përfshirë edhe indeksimin, dhe njoftojnë njësitë e vetëqeverisjes vendore për masën e normës së inflacionit që do të aplikohet, në përputhje me pasqyrat që i bashkëlidhen këtij vendimi dhe janë pjesë përbërëse të tij, si dhe me normën vjetore të inflacionit të publikuar nga INSTAT-i.”;

k) Pika 29 ndryshohet, si më poshtë vijon:

“29. Ministria përgjegjëse për arsimin profesional jep në total jo më pak se 5 000 (pesë mijë) bursa në vit për nxënësit e arsimit profesional, nga të cilat 2 500 (dy mijë e pesëqind) bursa janë të dedikuara për hyrjet e reja në shkollat profesionale të sistemit arsimor publik.”;

l) Pika 33 ndryshohet, si më poshtë vijon:

“33. Vendimet e këshillave të njësive të vetëqeverisjes vendore miratohen, sipas afateve të përcaktuara në këtë vendim. Vendimet e këshillave të njësive të vetëqeverisjes vendore, të miratuara përtej afateve, përballohen me fondet e tyre.”;

ll) Pasqyrat nr. 1, nr. 2 dhe nr. 3, bashkëlidhur vendimit, zëvendësohen me pasqyrat nr. 1, nr. 2, dhe nr. 3, që i bashkëlidhen këtij vendimi dhe janë pjesë përbërëse të tij;

m) Pas pasqyrës nr. 2 shtohet pasqyra nr. 2/1, që i bashkëlidhet këtij vendimi dhe është pjesë përbërëse e tij.

2. Ngarkohen Ministria e Arsimit, Ministria e Ekonomisë dhe Inovacionit, njësitë e vetëqeverisjes vendore, institucionet e sistemit arsimor parauniversitar dhe ofruesit e arsimit të mesëm profesional publik për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare duke filluar nga viti shkollor 2026–2027.

ZËVENDËSKRYEMINISTËR
Albana Koçi

PASQYRA NR. 1 KUSHTET EKONOMIKE TË NXËNËSIT PËR DHËNIEN E BURSËS

Nr.	Përbërja familjare	Përfitojnë bursa	Përfitojnë gjysmëbursa	Me pagesë
		Me të ardhura mujore, lek/frymë	Me të ardhura mujore, lek/frymë	Me të ardhura mujore, lek/frymë
1	Për familjet me 2 persona	deri 5 000	5 000–5 500	mbi 5 500
2	Për familjet me 3 persona	deri 4 700	4 700–5 300	mbi 5 300
3	Për familjet me 4 persona	deri 4 600	4 600–5 100	mbi 5 100
4	Për familjet me 5 persona	deri 4 500	4 500–5 000	mbi 5 000
5	Për familjet me 6 persona	deri 4 300	4 300–4 800	mbi 4800
6	Për familjet me 7 persona	deri 4 000	4 000–4 700	mbi 4 700
7	Për familjet me 8 persona	deri 3 700	3 700–4 500	mbi 4 500

PASQYRA NR. 2 MASA E BURSËS PËR NXËNËSIT (NË LEK) NË ARSIMIN E PËRGJITHSHËM QË NUK JETOJNË NË KONVIKT (NË LEK)

Nr.	Kategoritë e shkollave	Masa mujore e bursës për nxënësit që plotësojnë kriteret 2.1, 2.2, 2.3 dhe 2.4
1	Shkollat 9-vjeçare dhe të mesme	
	a) Bursa	7 500
	b) Gjysmëbursa	3 750

2	Shkolla e Mjeshtërisë Sportive e Arsimit Special	
	a) Bursa	9 100
	b) Gjysmëbursa	4 550
	c) Me pagesë	-
3	Për nxënësit jetimë	9 000

PASQYRA NR. 2 /1
MASA E BURSËS PËR NXËNËSIT NË ARSIMIN E MESËM TË ARSIMIT PROFESIONAL
(NË LEK)

Nr.	Kategoritë e bursave sipas shkollave	Masa mujore e bursës për nxënësit që plotësojnë kriteret 2.2; 2.3 dhe 2.4	Masa mujore e bursës për nxënësit që plotësojnë kriterin ekonomik (kuotë ushqimore)	Shpenzime vetjake (higjienë personale, mjete mësimore)	Totali i financimit nga shteti për masën mujore të bursës për nxënësit që plotësojnë kriterin ekonomik (kuotë ushqimore)
1	Shkollat e mesme profesionale				
	a) Bursa	10 000	9 300	700	10 000
	b) Gjysmëbursa	5 000			5 000
	c) Me pagesë	0	9 300	700	10 000

PASQYRA NR. 3
KUOTAT FINANCIARE SIPAS NORMAVE NË NATYRË PËR USHQIMIN E NXËNËSVE NË KONVIKT DHE SHPENZIMET VETJAKE

Nr.	Emërtimi	Njësia matëse	Norma ditore	Vlera energj. (kcal)	Çmimi i ri (lek/kg)	Vlera ditore (lek)
1	Bukë	gram	375	977	120	45
2	Makarona	gram	30	107	208	6
3	Oriz	gram	30	109	186	6
4	Sheqer	gram	40	157	90	4
5	Fasule	gram	30	93	300	9
6	Perime	gram	130	27	200	26
7	Fruta	gram	100	42	160	16
8	Vaj	gramë	30	270	200	6
9	Gjalpë	gram	20	152	900	18
10	Mish	gram	75	115	956	72
11	Djathë	gram	25	40	1,100	28
12	Reçel	gram	20	93	240	5
13	Vezë	kokërr	1	42	24	0
14	Qumësht	gramë	200	98	140	28
15	Patate	gram	200	170	78	16

16	Nënprodukte mishi	gram	30	100	953	29
Kuota ditore ushqimore						312
Shpenzime vetjake (higjienë personale, mjete mësimore) → 650 lek/muaj						22
TOTALI MUJOR (vlëra ditore × 30 ditë + shpenzime vetjake)						10,000